

卷三十四

書名 藝文類聚一百卷
 嘉靖中天水胡纘宗刊本
 撰者 唐 歐陽詢 撰
 卷 卷三十四
 內容分類 子 類書 彙考 唐五代
 索書號 子部 類書 2
 編號 C5912500

藝文類聚卷第一

唐太子率更令弘文館學士歐陽詢撰

天部上 天 日月星雲風

天

闕易曰 哉乾元萬物資始乃統天雲行雨施品物流形大明終始六位

時成時 六龍以御天乾道變化各正性命 又曰立天之道曰陰與陽

又曰天 健 尚書曰乃命羲和欽若昊天 又曰皇天震怒命我文考

肅將天 禮記曰天地之道博也厚也高也明也悠也久也日月星辰

繫焉 論語曰天何言哉四時行焉百物生焉 老子曰天得

一以 春秋繁露曰天有十端天地陰陽水土金木火人凡十端天亦

喜怒 樂之心與人相副以類合之天人一也 爾雅曰穹蒼蒼天

也春 夏為昊天秋為旻天冬為上天 春秋元命苞曰天不足西

北 故天周九八十一萬里 渾天儀曰天如雞子天大地小

地各乘氣而立載水而浮天轉如車轂之運 黃帝素問曰

彩色首頁1

東洋文化研究所漢籍目錄 編號: C5912500
 東洋文化研究所漢籍目錄所藏漢籍善本文影像資料庫 索書號: 子部 類書 2
 漢籍善本文影像資料庫文本藝文類聚一百卷 嘉靖中天水胡纘宗刊本
 版權所有: 東京大學 東洋文化研究所
 使用上的注意事項



東方文化學院研究所
No. 41

1 2 3 4 5 6 7 8 9 10 1 2 3 4 5 6 7 8 9 10







藝文類聚卷第二十四

人部十八 懷舊 哀傷

懷舊

尚書人惟求舊器非求舊惟新 毛詩曰友賢不棄不遺故舊則民德歸

厚 左傳曰鄭子太叔卒趙簡子為之臨甚哀曰黃父之會夫子語我九

言事具言論語曰故舊不遺則民不偷 漢書曰高祖過沛置酒沛宮悉

召故人父老酒酣自擊筑起舞慷慨傷懷泣數行下謂沛父兄曰遊子悲

故鄉吾雖都關中萬歲之後我魂魄猶思樂沛與父老諸母故鄉人樂飲

極歡道舊故為笑樂 又曰朱邑惇篤於故舊性公平不可交私 新序

曰延陵季子使過徐徐君心欲得其寶劍弗忍言季子心許之而未及與

及還而徐君已薨乃脫寶劍懸於墓樹徐人奇之曰延陵季子不忘舊故

脫千金之劍挂丘樹 東觀漢記曰章帝幸東平祭東平王墓云思其人

到其鄉其處在其人亡 皇甫謐高士傳曰徐稚仁讓聞於天下黃瓊辟

公府不詣及瓊薨稚負笈徒步三千餘里到瓊墓致酌 嵇康高士傳曰

商容有疾老子問之容曰子過故鄉而下車知之乎老子曰非謂不志故
 耶梁沈約懷舊詩曰元長秉奇調弱冠慕前蹤眷言懷祖武一篋望
 成峯塗難行易跌命外志難逢折風落迅羽流恨滿青松傷王又詩曰吏
 部信才傑文鋒振音響調與金石諧思逐風雲上豈言陵霜質忽隨人事
 往尺璧爾何宛一日同丘壤傷謝又詩曰左率馥時譽秀出冠朋僚聳茲
 千仞氣依此百尋條蘊藉含文雅散朗溢風颺楸櫨今已合容範尚昭昭
 果傷又詩曰長史體閑任坦蕩無外求持身非詭遇應物有虛舟心從朋
 好盡形為歡宴留歡宴未終畢零落委山丘傷王又詩曰東南既擅美洛
 陽復稱才攜手同歡宴比跡共追陪事隨短秀落言歸長夜臺傷虞又詩
 曰少府懷貞節忘軀濟所奉吏道勤不息繁文長自擁既闕優孟歌身沒
 誰為寵傷李又詩曰韋夙識前載博物備戎華稅驂止營校淪跡委泥沙
 如知庸聽局方悟大音賒傷韋又詩曰處和無近累天然有勝質蕭索負
 高情耿介懷私實義貴良為重爾摧非所恤一罷平生言寧知攜手日傷
 又詩曰豫州懷風範綽然標雅度處約志不渝接廣情無任頌頌事刀

筆紛綸迹朱素美志同山河浮年迫朝露傷胡西晉向秀思舊賦曰

予與嵇康呂安居止接近其人並有不羈之才嵇康意遠而疎呂安心曠
 而放其後各以事犯法嵇博綜技藝於絲竹特妙臨當就命顧視日影索
 琴而彈之逝將西邁經其舊廬鄰人有吹笛者聲寥亮追想曩昔遊
 宴之好感音而歎故作賦云將命適於遠京遂旋返而北徂濟黃河以汎
 舟經山陽之舊居踐二子之遺迹歷窮巷之空廬惟古昔以懷念心徘徊
 以躊躇棟宇存而弗毀形神逝其焉如昔李斯之受罪歎黃犬之長吟悼
 嵇主之永辭顧日影而彈琴託運遇於際會寄餘命於寸陰聽鳴笛之慷
 慨妙聲絕而復尋停駕言而將邁遂援翰而寫心晉潘岳懷舊賦曰予
 十二而獲見于父友東武戴侯楊君遂申之以婚姻而道元公嗣亦隆世
 親之愛不幸短命父子凋殞予尋役于外不立嵩丘之山者九年于茲矣
 今而經焉慨然懷舊乃作賦曰仰睇歸雲俯鏡泉流前瞻大室旁眺嵩丘
 東武託焉建坐啓疇巖巖雙表列列行楸予總角而獲見承戴侯之清塵
 名予以國士眷予以嘉姻自祖考而隆好逮二子而世親歡攜手以誥老

庶報德之有鄰今九載而一來空館闐其無人陳菱被于堂除舊圃化而
為薪步庭廡以徘徊流涕泣而霑巾銘周庾信思舊銘曰歲次攝星
居鶉首梁故觀寧侯蕭永卒嗚呼哀哉人之戚也既非金石所移士之悲
也寧有春秋之異高臺已傾稷下有聞琴之泣壯士一去燕南有擊筑之
悲項羽之晨起帳中李陵之徘徊岐路無假窮秋干時悲矣况復魚飛武
庫豫有棄甲之徵烏伏狄泉先見橫流之兆星紀吳亡庚辰楚滅原隰載
馳轅轅長往甲裳失矣餘皇棄焉河流酸棗杞梓與樗櫟俱沉海淺蓬萊
魚鼈共蛟龍並盡燃香復道詎斂冤魂載酒屬車寧消愁氣之蘭蕭艾之
秋形殊而並悴羽毛鱗介之怨聲異而俱哀幕府昔開俊賢魁首為羈終
歲門人謝焉及乎東首生辭西陵長往山陽車馬永別郊門潁川賓客遙
悲松路嵇叔夜之山廬尚多楊柳王子猷之舊徑唯餘竹林王孫葬地方
為長樂之宮列士埋魂即是將軍之墓昔嘗歡宴風月留連追憶平生宛
然心目美酒酌焉猶思建業之水鳴琴在操終念華亭之鶴重為此別嗚
呼甚哉麟亡星落月死珠傷瓶罄壘耻芝焚蕙歎所興鍾沉德水望出風

雲劍沒豐城氣連牛斗泫然思舊乃作銘云風雲上慘并馨落移駸駸霜
露君子先危紀侯大去懷王不反玉樹長埋風流遂遠荀卿故縣慶封餘
邑萬里傷魂修門詎入城連武庫山枕盧龍思歸道遠及葬無從徒留送
鴈空靡長松曠昔隆貴慘舒語嘿託情嵇琴風雲相得有酒如澠終温且
克朝陽落鳳大野傷麟佳城鬱鬱流寓于秦山陽相送惟餘故人孀機蓋
緯獨鶴孤鸞閨深夜靜風月俱寒生平已矣懷故何期匣中絃斷隣人笛
悲昔為幕府今成德唯梁元帝懷舊志序曰吾自北守琅臺東探禹
穴觀濤廣陵面金湯之說險方舟宛委眺玉笥之干霄臨水登山命儔嘯
侶中年奈之攝牧神州戚里英賢尚冠髦俊蔭真長之弱柳觀茂弘之舞
鶴清酒繼進甘果徐行長安郡公為其延譽扶風長者刷其羽毛於是駐
伏熊廻駟命鄒湛召土祥余顧而言曰斯樂難常誠有之矣日月不居零
露相半素車白馬往矢不追春華秋實懷哉何已獨軫魂交情深宿草故
備書爵墨陳懷舊焉

哀傷

毛詩曰終風衛莊姜物已也遭州吁之難傷已不見荅於先君以至困窮
又曰我心憂傷怒焉如擣左傳曰魯襄仲殺公子惡及視而立宣公夫
人姜氏歸于齊哭而遇市曰天乎仲為不道殺適立庶市人皆哭魯人謂
之哀姜又晉不哀五口喪而滅吾同姓禮記曰墟墓之間未施哀於民
而民哀又曰陽門之介夫死而司城子罕哭之哀而民說又曰孔子
過泰山側有婦人哭以公墓者而哀夫子使子貢問之對曰昔吾舅死於虎
吾夫又死焉今吾子又死焉又曰知生者弔知死者傷又曰傷哉貧
也生無以養死無以殮禮又曰孔子過衛遇舊館人之喪夫子入哭之
出使子貢脫驂而賻之曰予向者入而哭之過於一哀而出涕論語曰
關雎樂而不淫哀而不傷又曰臨喪不哀吾何以觀之哉家語曰閔
子騫三年喪畢見於孔子與之琴使之絃切切而悲孔子曰君子也哀未
盡能斷之以禮禮事具品藝篇焦贛易林曰秋風生哀華落悲心說苑曰鮑叔死
管仲舉上柱而哭之泣下如雨從者曰非君臣父子也管仲曰生我者父
母知我者鮑子也士為知己者死而況為之哀乎列子曰燕人生長於

楚及老而還本國過晉國同行者誑之指城曰此燕國之城其人愀然繼
容指社曰此君里之社乃喟然而歎指舍曰此君先人之廬乃潛然而泣
指壠曰此君先人之冢其人哭不自禁文子曰九夷八狄之哭異聲而
皆哀吳志曰呂岱親愛徐原原志壯好直言及原死哭之甚哀曰益
友不幸岱復何聞乎王隱晉書曰庾亮兄子孤卒哀既哀其孤又痛其
成人而未娶撫柩而號每哭聽者皆泣人不哀其喪感其哀也又曰阮
藉鄰家女未嫁而死籍往哭之甚哀俗說曰阮光祿大兒喪哀過遂得
失心病琴操曰孔子遊於泰山見薪者哭甚哀孔子問之薪者曰吾自
傷故哀爾沈約宋書曰世祖與羣臣至寵姬殷貴妃墓謂劉德願曰卿
等哭貴妃若悲者當加厚賞德願應聲便號慟涕泗交橫上甚悅以為豫
州刺史上又令羊志哭志亦嗚咽甚哀他日有問志者卿那得此副急淚
志荅曰我今日自哭亡妾耳秦川記曰隴西郡有隴山山東人升此而
顧瞻者莫不悲思哀傷魏文帝寡婦詩曰友人阮元瑜早亡傷其妻
孤寡為作此詩霜露紛兮交下木葉落兮萋萋候鴈叫兮雲中歸鷺翻兮

徘徊妾心感兮惆悵白日急兮西顏守長夜兮思君鬼一夕兮九垂悵延
 佇兮仰視星月隨兮天迴徒引領兮入房竊自憐兮孤栖願從君兮終沒
 愁何可兮入懷 魏阮瑀七哀詩曰丁年難再遇富貴不重來良時忽一
 過身體為土灰冥冥九泉室漫漫長夜臺身盡氣力索精竟靡所 嘉穀
 設不御旨酒盈觴杯出壙望故鄉但見蒿與萊 又詩曰臨川多悲風秋
 日苦清涼客子易為戚感此用哀值攬衣又踟躕上觀心與房三星守故
 次明月未收光雞鳴當何時朝晨尚未央還坐長歎息憂憂難可忘 魏
 王粲七哀詩曰西京亂無家豺虎方遘患復棄中國去遠身適荆蠻親戚
 對我悲朋友追相攀出門無所見白骨蔽平原南登灞陵听迴首望長安
 悟彼下泉人喟然傷心肝 又詩曰荆蠻非我鄉何人久滯滯方舟邇大
 江日暮愁我心山岡有餘映巖阿坳重陰流波激清響猴猿臨岸吟獨夜
 不能寐攝衣起撫琴然桐感人情為我發悲音 晉張載七哀詩曰秋風
 吐商氣蕭瑟掃前林陽鳥收和響寒蟬無餘音未光馳北陸浮景想西沈
 願望無所見唯覩松柏陰蕭蕭高柯枝翩翩孤栖禽仰聽離鴻鳴俯聞蜻

蚓吟哀人易感傷覽物增悲心 晉潘岳關中詩曰哀此黎元無罪無辜

肝腦塗地白骨交衢夫行妻寡父出子孤俾我晉民化為秋俘 又哀詩

曰漼如葉落樹邈若雨絕天雨絕有歸雲葉落何連山時氣冒崗嶺長風

鼓松柏堂虛聞鳥聲喧暗知日夕晝愁奄逮昏夜思忽終昔長轉獨悲窮

泣下霑枕席人居天地間飄若遠行客先後詎能幾誰能弊金石 又悼

亾詩曰皎皎窓中月照我室南端清商應秋至溽暑隨節闌凜凜涼風升

始覺夏衾單豈曰無重續誰與同歲寒歲寒無與同朗月何朧朧展轉躬

枕席長簾竟牀空牀空委清塵室虛來悲風霑骨安能已悲懷從中起寢

興目存形遺音猶在下 又悼亡詩曰荏苒冬春謝寒暑忽流易之子歸

窮泉重壤永幽隔望廬思其人入室想所歷帷屏無髮髮翰墨有餘跡流

芳未及歇遺桂猶在壁悵脫如或存迴遑忡驚惕如彼翰林鳥雙栖一朝

隻如彼游川魚比目中路隔 又思子詩曰造化甄品物天命代虛盈奈

何念稚子懷奇隕幼齡追想存髮髮感道傷中情一往何時還千載不復

生 宋顏延之除弟服詩曰徂沒離二秋淹泣備三夕往辰緬難紀來算

忽易窮升沒奄暮晦灑掃易禮容編衣變余體長逝歸爾躬 又辭難測
溝詩曰徘徊春郊何俛仰引單襟一衾苟不豫百慮畢來侵永懷交在言
有願僣憂琴寫言勞者事將用慰之籍 齊謝朓銅爵臺妓詩曰總帷飄
井幹尊酒若平生鬱鬱西陵樹詎聞歌吹聲芳襟染淚跡嬋媛空復情玉
坐猶寂寞况乃妾身輕 梁簡文帝傷美人詩曰昔聞倡女別蕩子無歸
期今似陳王嘆流風難重思翠帶留餘結苔階沒故基圖形更非是夢見
反成疑燻鑪含好氣庭樹吐華滋香燒日有歇花落無還時 梁任昉哭
范僕射詩曰平生禮數絕式瞻在國禎一朝萬化盡猶我故人情已矣平
生事詠歌盈篋筥兼復相嘲謔常與虛舟值何時見范侯還叙平生意
梁沈約蕭丞相弟詣世子車中作詩曰廉公失權勢門館有虛盈貴賤猶
如此况乃曲池平高車塵未滅珠履故餘聲賓階綠錢滿容位紫苔生唯
當九原上鬱鬱望佳城 梁蕭子範入元襄王第詩曰伏軾窺東苑收淚
下王橋昔時方轂處於今共寂寥夾池猶裊裊仙樹尚迢迢一同西靡柏
徒思芳樹蕭 梁王筠和蕭子範入元襄王第詩曰昔入睢陽苑連步風

雲今遊故臺處回望問無人皓壁留餘篆意圃有餘芬行人皆隕涕何謂
孟嘗君 梁吳筠傷友詩曰可憐桂樹枝懷芳君不知摧折寒山裏遂死
無人窺 梁何遜行經范僕射故宅詩曰旅葵應蔓井荒藤已上扉寂寂
空郊暮無復車馬歸澹澹故池水蒼茫落日暉圓寂今如此行客盡霑衣
又銅爵臺妓詩曰秋風木葉落蕭瑟絃管清望陵歌對酒向帳舞空城寂
寂檐宇曠飄飄帷幔輕曲終相顧起日暮松柏聲 梁劉孝綽銅爵臺妓
詩曰爵臺三五日歌吹似佳期定對西陵晚松風飄素帷危絃斷更接心
傷於此時何言留客袂翻掩望陵悲 梁庾肩吾亂後經吳郵亭詩曰郵
亭一廻望風塵千里昏青袍異春草白馬即吳門獯戎鞭伊洛雜種亂
轅輦道同關塞土城似太原休明鼎尚重秉禮國猶存殷鑒爰雖蹟堯城
史轉尊泣血悲東走橫戈念北奔方憑七廟略誓雪五陵冤人事今如此
天道共誰論 周庾信傷周處士詩曰冥漠爾遊岱悽涼予向秦雖言異
生死同是不歸人悵然張仲蔚悲哉鄭子真三山猶有鶴五柳更應春遂
令從渭水投釣往江濱 周王褒送觀寧侯葬詩曰丹旒書空位素帳設

虛樽楚琴南操絕韓書舊說存西靡傷新樹東陵惜故園自憐悲谷影彌
念玉關門餘暉天盡末夕霧起山根平原看獨樹臯亭望列村寂寥還蓋
靖荒荒歸路昏挽鐸已流唱童歌行自喧春言千載後誰將遊九原 又
送劉中書葬詩曰昔別傷南浦今歸去北邱書生空託夢久客每思鄉塞
近邊雲黑塵昏野日黃陵谷俄遷變松栢易荒涼題銘無復迹何處驗龜
長 陳沈炯望郢州城詩曰魂兮何處反非死復非仙坐柯如昨日石合
未淹年歷陽頓成浦東海果爲田空憶扶風詠誰見硯山傳世變才良改
時移民物遷悲哉孫驃騎悠悠哭彼天 又長安還至方山愴然自傷詩
曰秦軍坑趙卒遂有一人生雖還舊鄉里危心曾未平淮源比桐栢方山
似削成猶疑屯虜騎尚畏值胡兵空村餘拱木廢邑有頽城舊識莫不盡
新知皆異名百年三萬日處處此傷情 陳陰鏗和樊晉陵傷妾詩曰盡
梁朝日盡芳樹落花辭忽以千金笑長作九泉悲鏡前塵劇粉機上網多
絲戶餘雙入鷺林有一空惟名香不可得何見反魂時 陳張正見銅爵
臺詩曰荒涼銅爵晚搖落墓田通雲慘當歌日松吟欲舞風人踞理席冷

曲罷總帷空可惜年將淚俱盡望陵中 隋江惲奉和東宮經故妃詩曰
詩曰故殿看看冷空階步步悲猶憶窺窻處處還如解珮時苔生無意早鷺

入有言遲若令歸就月照見不須疑 又傷顧野王詩曰獨酌一樽酒高
詠七哀詩何言高里別非復竹林期階荒鄭公草戶閭董生惟人隨暮槿

落客共晚鶯悲年髮兩如此傷心獨幾時 又和張源傷往詩曰小婦當
鐘夜夫聳凱師年正歌千里曲翻入九重泉機中未斷素瑟上本留絃空

帳臨窓掩孤燈向壁燃還悲塞壟曙松短未生煙 漢武帝李夫人賦
曰飾新宮以延佇泯不歸乎故鄉慘鬱鬱其蕪穢處隱隱而懷傷釋輿馬

於山椒奄修夜之不陽秋氣憖以悽戾桂枝落而消亾神莞莞以遙思精
浮遊而出疆託沉陰以曠久惜繁華之未央念窮極之不逮惟要妙而相

侔 後漢蘇順歎懷賦曰悲終風之隕籜條枝梢以摧傷桂敷榮而方盛
遭暮冬之隆霜華菲菲之將實中天零而消亾童烏濬其明哲悲何壽之

不將嗟劉生之若茲奄彌留而永喪 魏文帝悼天賦曰族弟文仲亡時
年十一母氏傷其天逝追悼無已予以宗族之愛乃作斯賦氣紆結以填

宗

曾不知涕之縱橫時徘徊於舊處覩靈衣之在牀感遺物之如故痛爾身之獨亡愁端坐而無聊心感感而不寧步廣廈而踟躕覽萱草於中庭悲風蕭其夜起秋氣憊以厲情仰瞻天而太息聞別鳥之哀鳴 又寡婦賦曰陳留阮元瑜早亡每感存其遺孤未嘗不愴然傷心故作斯賦惟生民兮艱危在孤寡兮常悲人皆處兮歡樂我獨怨兮無依撫遺孤兮太息俛哀傷兮吉誰三辰周兮迺照寒暑運兮代臻歷夏日兮苦長涉秋夜兮澆澆微霜墮兮集庭鸞雀飛兮我前去秋兮就冬改節兮時寒水凝兮成冰雪落兮翻翻傷薄命兮寡獨內惆悵兮自憐 又感物賦曰喪亂以來天下城郭丘墟惟從太僕君宅尚在南征荊州還過鄉里舍焉乃種諸蔗于中庭涉夏歷秋先盛後衰悟興廢之無常慨然永歎乃作斯賦伊陽春之散節悟乾坤之交靈瞻玄雲之翁鬱仰沉陰之杳冥降甘雨之豐霈垂長溜之泠泠掘中堂而爲圃植諸蔗于前庭涉炎夏而旣盛迄凜秋而將衰豈在斯之獨然信人物其有之 魏陳王曹植慰子賦曰彼凡人之相親小離別而懷戀況中殤之愛子乃千秋而不見入空室而獨倚對床帷而

切欺痛人亡而物在心何忍而復觀日晚晚而旣沒月代照而舒光仰星以至晨衣露露而含霜惟逝者之日遠愴傷心而絕腸 魏高貴鄉公傷菟賦曰上師東征宗正曹並以宗室材能兼侍中從行到項得疾數日亡意甚傷之爲作此賦宗臣充于常伯體材藝而中良何畏天之不怙遭暴疾而隕亡惟厥疾之初發老常疾之輕微未驚目而沉篤氣悒悒而好衰岐鵠諤技而弗救豈藥石之能追精魂忽已消散神眇眇而長遠 魏王粲傷天賦曰惟皇天之賦命實浩蕩而不均或老終以長世或昏天而夙泯物雖存而人二心惆悵而長慕哀皇天之不惠抱此哀而何懇求寬神之形影荒幽冥而弗迕淹任徇以想像心彌結而紆縈晝忽忽其若昏夜炯炯而至明 又思友賦曰登城隅之高觀忽臨下以翱翔行遊目於林中覩舊人之故場身旣沒而不見餘迹存而未喪滄浪浩兮迴流波水石激兮揚素精夏木兮結莖春鳥兮悲鳴平原兮夾漈綠草兮羅生超長路兮逶迤實舊人兮所經身旣逝兮幽繫魂眇眇兮藏形 又寡婦賦曰闔門兮却掃幽處兮高堂提孤孩兮出戶與之步兮東顧左右兮相憐

意棲愴兮摧傷。觀草木以敷榮。感傾葉兮落時。人比昔懷兮歡豫。我獨感兮不怡。日掩曖兮不昏。明月皎兮揚暉。坐幽室兮無爲。登空牀兮下幃。涕流連兮交頸。心惓結兮增悲。魏丁廙妻寡婦賦曰。惟女子之有行。固歷代之彝倫。辭父母而言歸。奉君子之清塵。如懸蘿之附松。似浮萍之託津。何性命之不造。遭世路之險迤。榮華雖其始。成所恃。奄其祖。泯靜閉門以却掃。魂孤恍以窮居。刷朱扉以白堊。具玄帳以素幃。含慘悴以何訐。抱弱子以自慰。時翳翳以東陰。日疊疊以西墜。雞斂翼以登樓。雀分散以赴肆。還空牀以下帷。拂衾褥以安寐。想逝者之有憑。因宵夜之髮鬢。痛存沒之異路。終窈漠而不至。時荏苒而不留。遲心遷靈以代行。駕龍輻於門側。設祖祭於前廊。彼生離其猶難。矧永絕而不傷。自銜恤而在疚。履永冬之四節。風蕭蕭而增勁。寒凜凜而彌切。霜悽悽而夜降。水濂濂而晨結。瞻靈宇之空虛。悲屏幌之徒設。仰皇天而歎息。咀物一日而九結。惟人生於世上。若馳騖之過櫛。計先後其何幾。亦同歸乎。西冥。晉陸機歎逝賦曰。昔每聞長者追計平生。同時親故。或曾共遊。一以同宴。一室十年之外。索然已盡。以是

思哀哀可知矣。賦曰。悲夫。川閱水以成川。水滔滔而日度。世閱人而爲世人。冉冉而行。暮人何世。而弗新。世何人之能。故亮造化之若茲。吾安取天父長痛靈根之夙殞。怨具爾之多喪。悼堂構之隕。瘁愍城闕之丘荒。親彌懿其已逝。交何感而不亡。彌年時之詎幾。夫何往而不殘。或冥邈而旣盡。或寥廓而僅半。信松茂而栢悅。嗟芝焚而蕙歎。苟性命之弗殊。豈同波而異瀾。年彌往而念廣。塗薄暮而迫迮。顧舊要於遺存。得十一於千百。又愍思賦曰。予屢抱孔懷之痛。而奄復喪同生姊。銜恤哀傷。一載之間。而喪制便過。故作此賦。以紓慘惻之感。時方至其儵忽。歲旣去其晬晚。樂來日之有繼。傷頽年之莫慕。覽萬物以澄念。怨伯姊之已遠。尋遺塵之思長。瞻日月之何短。升降乎階際。顧眄兮屏營。雲承宇兮。謁謁風入室兮。泠泠僕從爲我悲。孤鳥爲我鳴。又大暮賦曰。夫死生是失得之大者。故樂莫甚焉。哀莫深焉。使死而有知。乎安知其不如生如遂。無知耶。又何生之足戀。故極言其哀而終之以達度。以開夫近俗云。夫何天地之遼闊。而人生之不可久。長日引月而並墮。時惟歲而俱喪。徒假願於須臾。指夕景而爲誓。

忽呼吸而不振奄神徂而形弊於是六親雲起姻族如林爭塗掩淚望門
舉音敷幄席以悠想陳備物而虞靈仰寥廓而無見俯寂寞而無聲發露
像其不毀酒湛湛而每盈屯送客於山足伏埏道而哭之扁幽戶以大畢
泝玄闕而長辭歸無塗兮往不及年彌去兮逝彌遠彌遠兮日隔無塗兮
曷因庭樹兮葉落暮草兮根陳 晉潘岳悼亡賦 曰伊良嬪之初降幾二
紀以迄茲遭二雨門之不造備荼毒而嘗之嬰生艱之至極又薄命而早終
含芬華之芳列翩零落而從風神飄忽而不反形焉得而久安襲時服於
遺質表鈿華於餘顏問筮賓之何期霄過分而參闌詎幾時而見之目眷
戀以相屬聽輒人之唱籌來聲叫以連續聞冬夜之恒長何此夕之一促
且伉儷之片合垂明哲乎嘉禮苟此義之不謬乃全身之半體吾聞喪禮
之在妻謂制重而哀輕既履冰而知寒吾今信其緣情夕既昏兮朝既清
延爾族兮臨後庭入空室兮望靈座惟飄飄兮燈熒熒燈熒熒兮如故帷
飄飄兮若存物未改兮人已化饋生塵兮酒停樽 春風兮泮水初陽兮戒
溫逝遙遙兮浸遠嗟然元亮兮孤魂 又寡婦賦曰 樂安任子咸者予少而

歡焉不幸弱冠而終其妻又吾姨也故作斯賦 伊女子之有行爰奉嬪於
高族承慶雲之光覆荷君子之恩渥奉蒸嘗之效順供灑掃以彌載榮華
曄其始茂良人忽以指昔愁煩寃其誰告提孤孩於坐側時曖曖而向昏
日杳杳而西匿雀羣飛而赴楹雞登樓而歛翼歸空館而自憐撫衾幃以
歎息耳傾想於疇昔日髮髯平平素雖具冥而罔覲猶依依以憑附自仲
夏而在疚踰履霜以踐冰雪霏霏而驟落風瀏瀏而夙興意惚恍以遷越
神一夕而九升庶浸遠而哀降情惻惻而彌甚願假夢以通靈目炯炯而
不寢夜湯湯以悠悠寒悽悽以凜凜氣憤薄而乘曾涕交橫而流枕重曰
仰皇天兮歎息私自憐兮何極省微躬兮孤弱顧稚子兮未識如涉川兮
無津若陵虛兮失翼 晉王渾妻鍾遐思賦曰惟仲秋之慘悽百草萎悴
而變衰鸞翔逝而歸海蟋蟀鳴而相追坐虛堂而無寥嗟我心之多懷悵
遐思而內結嗟爾姜任邈不我留謀民生之未終吾何為其多愁涼風蕭
條露霑我衣憂來多方慨然我懷感飛鳥之反鄉詠衛女之思歸於是周
遊容與逍遙彷徨悲民生之局促願輕舉之遐翔 晉劉滔母孫氏悼艱

賦曰伊稟命之不辰遭天難之靡忱夙無父之何怙哀壅瘁以抽心覽蓼
莪之遺詠詠肥泉之餘音經四位之代謝雖積祀而思深伊三從而有歸
爰奉嬪於他族仰慈姑之惠和荷仁澤之陶渥理并聚服以斬衣代羅帷
以編布仰慈尊以飲泣撫孤景以協慕遇飛廉之暴骸觸驚風之所會扶
握奮而上躋頽雲下而無際頓余邑之當春望峻陵而鬱青瞻空宇之寥
廓愍宿草之發生顧南枝以永哀向北風以飲泣情無觸而不悲思無感
而不集 宋孝武帝擬漢武帝李夫人賦曰觀周氏之逸篇覽漢室之遺
篆弔新宮之掩映嗟璧臺之蕪踐雖媛德之有載竟滯悲其何遣念桂枝
之秋實惜瑤華之春翦彤殿閉兮素鹿積翠祀蕪兮紫宮生寶羅唱兮春
幌重珍簾空兮夏幃局秋臺側兮碧煙凝冬宮冽兮朱火青流津有終深
心無歇徙倚雲日徘徊風月思玉步於鳳墀想金聲於鸞閣 宋謝靈運
感時賦曰夫逝物之感有生所同頽年致悲時懼其速豈能忘懷乃作斯
賦相物類以追已閔交臂之匪賒揆大耋之或遄指崦嵫於西河鑿三命
於予躬但行年之蹉跎于鷓鴣之先號挹芬芳而夙過微靈芝之頻秀迫

朝露其如何雖發歎之早晏諒太暮之同科 又傷已賦曰嗟夫賞珍
於連城孫別駿於千里彼珍駿以貽愛此陋容其敢擬丁曠代之渥惠
謬眷於君子眺徂歲之驟經覩芳春之每如始春芳而物終歲徂而感
已貌憔悴以衰形意幽翳而苦心出衾裯而載坐闢檐幌以迫臨望步
而周流眺幽閨之清陰想輕綦之往跡食和聲之餘音播芬煙而不燠張
明鏡而不照歌白華而絕曲奏蒲生之促調 宋顏延之行瑾賦曰嗟我
來之云遠覩行殯於水隅崩朽棺以掩壙仰枯顙而枕衢資沙礫以含寶
藉水草之祿儲撫躬中塗太息蘭渚行徘徊於永路時悄愴於川侶 宋
鮑照傷逝賦曰晨登南山望美中河露團秋槿風卷寒蘿悽愴傷心悲如
之何盡若窮煙離若箭弦如影滅地猶星殞天棄華宇於明世閉金局於
下泉修堂廡而下降歷幃尸而升墓志存業而遺緒身先物而長辭日月
飄而不留命儵忽而誰保髮迎憂而送華貌先悴而收藻 梁沈約傷美
人賦曰信美顏其如玉咀清畦而度曲思佳人而未來望餘光而躑躅拂
螭雲之高帳陳九枝之華燭虛翡翠之珠被空合歡之芳褥言歡愛之可

永度羅袂之空裁曾未申其巧矣忽淪軀於夜臺伊芳春之仲節夜猶長而未遽悵徙倚而不眠徃徘徊於故處 梁江淹傷友人賦曰泫然霑衣兮悲素友之英秀系神緒而作氏胤靈枝而啓曹轢四代而式昌洎十葉而克茂友人之生川岫降明譬如冬雪既華既潔將似秋月至麗至徹乃上代而少雙故叔世而曠絕弔蕙若之暫芳慟琬琰之永缺余幼好於斯人乃神交於一顧邈疇年之繾綣窈生平之遊遇懷愛重於素壁結分珍於黃金捨一世而笑淺訪古人而求深固齊術而共徑豈異袖而同襟爾凝情於霜柏我發志於冬挂帶瑤玉而爭光握隨珠而比麗予結誼兮梁門復從宦兮朱蕃何人徑之亟阻而天道之匪存凋碧玉之神樹銷紫芝之靈根承遠書於江滋結深痛於爾魂 梁蕭子範傷往賦曰彼蘭菊之芳茂及藁槿之榮色終於邑平繁霜俱飄 飄於路側引輕華之微珍猶見嗟於有識况獨立之妍媛信盈盈而挺植去倡家而來儀承君子之宴息摧麗容而思進豈蛾眉之肯抑詠美勝而自箴歌忠妾而爲式痛妖姿之不留惜華年之中天異罷祥之永慶忽從 颺而先標魂一逝而莫追夕有

長而無曉惟君侯之惆悵覽遺物而霑巾惟半垂而將下尚仿像而疑真懷方士之良術顯有憑而致神 周庾信哀江南賦曰粵以戊辰之年建亥之月大盜移國金陵瓦解信年始二毛即逢喪亂狼狽流離至于暮齒燕河遠別悲不自勝楚老相逢泣將何及鍾儀君子入就南冠之囚季孫行人留守西河之館申包胥之頓地碎之以首蔡威公之淚盡加之以血孫策以天下爲三分衆裁一旅項羽用江東之子弟人唯八千遂乃分裂山河宰割天下豈有百萬義師一朝卷甲芟夷斬伐如草木焉江淮無涯岸之阻亭壁無蕃籬之固將非江表王氣應終二百年乎嗚呼山岳崩頽既有危亡之運春秋迭代必有去故之悲天意人事可以悽愴傷心者矣賦曰始則王子召戎姦臣介冑既官政而離邊遂師言而泄漏尔乃傑黠構扇蕙陵畿甸青袍如草白馬如練天子履端廢朝單于長圍高宴竟遭夏臺之禍遂觀堯城之變遂乃韓分趙裂鼓臥旗折失羣班馬迷輸亂轍猛士嬰城謀臣卷舌昆陽之戰象走林常山之陣蛇奔穴五郡則兄弟相悲三州則父子離別於是桂林顛覆長洲麋鹿潰潰沸騰茫茫慘黷競動

天關爭迴乾軸探雀散而未飽待熊蹯而詎熟乃有車側郭門筋懸廟屋
鬼同曹社之謀人有秦庭之哭西瞻博望地臨玄圃月榭風臺池平樹古
仁壽之鏡徒懸茂陵之書空聚中宗之夷凶靜亂大雪寃耻去代邸而承
墓遷唐郊而纂祀反舊章於司隸歸餘風於正始沉猜則方逞其欲藏疾
則自矜於已天下之事沒焉諸侯之心搖矣旣而齊交北絕秦患西起况
背關而懷楚異端委而開吳驅綠林之散卒拒驪山之叛徒問諸淫昏之
鬼求諸厭劾之巫荆門遭燹延之戮夏口濫達泉之誅况以沴氣宵浮妖
精夜殞赤鳥則終朝夾日蒼雲則七重圍軫亡吳之歲旣窮入郢之年斯
盡周舍鄭怒楚結秦怨有南風之不覺值西隣之責言俄而梯衝亂舞翼
馬雲屯棧秦車於暢轂省漢鼓於雷門雖復楚有七澤人稱三戶辭洞庭
兮落木去潯陽兮極浦熾火兮焚旗直風兮害蠱乃使玉軸揚灰龍文析柱
下二餘城長林故營徒思司之秣未見燒牛之兵章曼友以轂走宮之奇
以族行河無小而馬渡關未曉而雞鳴忠臣解骨君子吞聲章華望祭之
所雲夢僞遊之地荒谷繼於莫敖冶甫囚平羣師劓穿摺拉鷹鷂批攬于

時瓦解冰泮風飛電散渾然千里淄沔一亂雪暗如沙水橫如岍逢赴洛
之陸機見離家之王粲莫不聞隴水而掩泣向關山而長歎 又傷心賦
曰予五福無徵三靈用譴至于繼體多從天折二男二女並得勝衣金陵
喪亂相守亡沒苗而不秀頻有所悲唯覺傷心遂以傷心爲賦悲哉秋氣
搖落變衰蒐兮遠矣何去何依望思無望歸未不歸未達東門之意空懼
西河之讖在昔金陵天下喪亂王室版蕩生人塗炭兄弟則五郡分張父
子則三州離散地鼎沸於袁曹人豺狼於楚漢或有推樹離災藏衣遭難
未設桑弧先空柘館人惟一丘亭遂子秋邊韶永恨孫楚長愁張壯武之
心亡羊南城之淚流痛斯傳體尋茲世載天道斯慈人倫此愛膝下龍摧
掌中珠碎芝在室而先枯蘭生庭而早刈况乃流寓秦川飄飄播遷從宦
非宦歸田不田對玉關而羈旅坐長河而暮年以觸目之萬隱更傷心於
九泉哀辭魏陳王曹植金瓶哀辭予之首女雖未能言固以授色知心
矣生十九旬而夭折乃作此辭曰在襁褓而撫育向孩笑而未言不終年
而天絕何負罰於皇天信吾罪之所招悲弱子之無

徵於糞土天地長久人生幾時先後無覺從爾有期 又行女哀辭曰
行女生于季秋而終于首夏三年之中二子頻喪伊上靈之降命何短修
之難裁或華髮以終年或懷妊而逢災感前哀之未 闕復新歿之重來方
朝華而晚敷比晨露而先晞感逝者之不追情忽忽而失度天蓋高而無
階懷此恨其誰訴 又仲雍哀辭曰曹喈字仲雍魏太子之中子也三月
生而五月二昔后稷之在寒冰閻穀之在楚澤咸依鳥憑虎而無風塵之
災今之玄第文茵無寒冰之慘羅幃綺帳暖於翔禽之翼幽房闔宇密於
雲夢之野慈母良保仁平烏菟之情卒不能延期於 暮載離六旬而天沒
彼孤蘭之眇眇亮成幹其畢榮哀綿綿之弱子早背世而潛形且四孟之
未周將何願乎一齡陰雲迴於素蓋悲風動其扶輪臨埏闔以歔歔淚流
射而霑巾 晉陸機吳大司馬陸公少女哀辭曰冉冉臨陽不遂其茂曄
曄芳華凋芳落秀遵堂涉室髮鬢興想人皆有聲爾獨無響 晉潘岳
哀永逝辭曰逝日長兮生年淺憂患衆兮歡樂尠悵悵兮遲遲遵古路兮
言歸思其人兮已滅賢餘跡兮未夷昔同塗兮今異世憶舊歡兮增新悲

謂原隰兮 無畔謂川流兮無岸視天曰兮蒼茫面邑里兮蕭散匪外物兮
或改固歡哀兮情換歸反哭兮殯宮聲有止兮哀無終既顧瞻兮家道長
寄心兮爾躬 又傷弱子辭曰予之長安次于新安千秋亭而弱子天感
羸博之哀乃傷之曰奈何兮弱子邈棄爾兮丘林還眺兮墳瘞草莽莽兮
木森森伊遂古之遐胄逮祖考之永延咨吾家之不嗣羗一過之未甄仰
崇堂之遺構若無津而涉川葉落永離覆水不收赤子何辜罪我之由
又金鹿哀辭曰嗟我金鹿天資特挺鬚髮疑膚蛾眉蟾領柔情和泰朗心
聰警嗚呼上天胡忍我門良嬪短世今子天昏既披我幹又翦我根枕如
槐木枯茨獨存捐子中野遵我歸路將反如疑迴首長顧 又陽城劉氏
妹哀辭曰鳥鳴于栢烏號于荆徘徊躑躅立聞其聲相彼羽族矧伊人情
叩心長叫痛我同生誕育聖王發奇稚齒如彼名駒昂昂于里劉氏懷
寶未曜隨和伊予輕弱弗克負荷祿微於朝貯匱于家俾我今妹勤儉備
加珍羞罕御器服靡華撫膺恨毒逝矣奈何哀哀母氏蒸蒸聖慈震慟擗
擗何痛如之竟而有靈豈不慕思嗟哉往矣當復何時 又悲那生曰周

文公之苗裔予元舅之洪胄厲操確其不拔鄉譽著而日就妙邦畿而高
察雄州間以擢秀茂實暢矣而休名未衍其財至貧其位至賤而死之日
奔者盈庭停余車而在郊撫靈輿以增悲瞻轎容而想像曾無覩乎餘輝
送子兮境垂永訣兮路岐一別兮長絕盡哀兮告離 又京陵女公子王
氏哀辭曰猗歟公子季女惟王生自洪胄廩茲義方盼倩繁麗窈窕淑良
如彼春蘭吐葩含芳葩以霜殞以歇盡彼蒼者天胡寧斯忍曾未弱笄無
疾而隕官朝震驚靡人不愍嗟爾母氏劬勞撫鞠恩斯勤斯是長是育惟
舜媚子奄離顧復哀無廢心涕不輟目于以祖之于掖閨庭于以送之陵
崗崔嵬僕馬迴眷旗旒旋飛夕陽失映晴鳥忘歸皎皎宵月載盈載微冥
冥公子一往不追長夜無旦孤魂曷依 又爲任子咸妻作孤女澤蘭哀
辭曰茫茫造化爰啓英淑猗猗澤蘭應靈誕育鬢髮蛾眉巧笑美目顏耀
榮若華茂時菊如金之精如蘭之馥淑質彌暢聰惠日新朝夕顧復夙夜
盡勤彼蒼者天哀此矜人胡寧不惠忍予眇身俾爾嬰孺微命弗振俯覽
衾篋仰訴穹旻弱子在懷既生不遂存靡託躬沒無遺類耳存遺響日想

餘顏寢席伏枕摧心剖肝相彼鳥矣和鳴嚶嚶伊蘭子音影冥冥彷徨
丘壟徒倚墳塋 又爲楊長文作弟仲武哀祝文曰悠悠上天我獨何
辜祖考早世兄弟幼孤備嘗艱毒同集蓼荼父兮生我過庭靡聞母兮鞠
我寧一苦華日顧日復我弟我身並自垂髮越于成人濬哲聰朗純粹溫
良烈烈清風邦族之望母氏劬勞庶爾之報彼蒼者天子何不弔殲我令
弟窮泉是造無父何怙無弟何友煢煢此身哀哀慈母煩冤痛毒撫心思
咎哀爾薄祐逢家多阻弱冠未室盛年絕緒喪庭寥廓虛位無主冥冥長
夜窈窈玄冥當復何時見我仲武于以裨之于其王父竟而有靈神其寧
處 晉孫登和氏外孫道生哀文曰嗟爾道生和氏之寶玉顏豐下隤於
懷抱暮春而育孟冬而天二十三旬奇于五日方之期願百分之一命之
修短始則有終誰能長久與天無窮幾翁近千殤子幼冲俱反無形冥昧
之中造化多少豈獨爾躬 又和氏外孫小同哀文曰擘擘華朝生夕
落爾命方之猶爲淺薄暫有冥質尋友冥漠譬彼蜉蝣不識晦朔死尚未
知生亦焉知爾雖旬月我未之視萬物混焉天地一指杪未嬰孩安足稱

誅大人達觀同之一揆 又胡母夫人哀辭曰滔滔汶川浩浩雲漢乃眷
洪族裁育英媛幼挺芳烈暉光日新有美其猗有處其文華茂春芳志厲
秋霜邂逅之遇違茲良會豈惟中饋義形于外恒憑賢明以自休賴冀享
永年偕老 一世景命伊何忽然長逝 梁簡文帝大同哀辭曰大同予第
十子也生於仲秋殞於冬末悲夫夕坐於是申且當以食之不甘客謂予
曰死生常也天壽命也陳蕃所憇之家又記玄錄之歲華歆所問之語已
定北陵之期上聖所以忘情賢者所以達節將何戚焉予對之曰觀其明
眸豐下玉色和聲豈不登髻歲而擬觸藩及紈袴而仰折李靈心摧於毫
末慧識挫於跬步豈不傷哉乃爲辭曰彼神祭之靈長獲尊春之悠緬有
薜華之灼灼寄一朝之浮淺信歡慰之未幾悼天零之云及乃變樂而爲
悲遂改笑而成泣 晉劉臻妻陳氏荅舅母書曰元方春秋始富德業
亦隆弘道博文才質兼備異志與時暢榮耀當年豈意一朝冥然長往元
方冲幼過庭莫聞聖善明訓業成三徙亦既冠婚雙譽允集庶幾偕老色
養膝下而 以厲橫流艱禍仍遘媛姊傾逝宗模永絕姊方立華並天戚年

豈慮豈圖禍降彌酷良才天於始立崇基殞於一匱仰痛殄滅俯悼三蒙
斯人斯命當可奈何母年踰耳順備經百罹一紀之中四遘至痛目前廓
然三從靡託窮悼中發情馳難處 梁任昉與沈約書曰范僕射遂不救
疾范侯淳孝睦友在家必聞直道正色立朝斯著一金之俸必徧親倫鍾
庾之秩散之故舊佐命與王心力俱盡謀猷忠允諒誠匪躬破產而字死
友之孤開門而延故人之殯則惟其常無得而稱矣器用車馬無改正生
之憑素論款對不易布素之交若斯人者豈云易遇昉將莅此邦務在適
速雖解駕流連再貽款顧將乖之際不忍告別無益離悲祗增今恨永念
平生忽焉疇曩追尋笑緒皆成悲端 又弔樂永世書曰永世孝友之至
發自天真皎潔之操曾非矯飾意有所固白刃不移理有所託淄澠自辨
餘息惟存視陰無幾終始之託方寄衽俟豈謂樂生及先朝露以理遣滯
鄙識未曉以事尋悲哀楚交至宿草易滋傷恨不減松檟可拱悲緒無窮
梁劉孝標追荅劉沼書曰劉侯既有斯難值予有天倫之職竟未之致也
尋而此君長逝化爲異物緒言餘論蘊而莫傳或有自其家得而示予者

予悲其音微未沫而其人已亡青簡尚新而宿草將列汝然不知涕之無從也雖隙駟不留尺波電謝而秋菊春蘭英華靡絕故存其梗槩更其言若使墨翟之言無爽宣室之談有徵與東平之樹望咸陽而西靡蓋山之泉聞弦歌而赴節但懸劍空壙有恨如何

藝文類聚卷第二十四

藝文類聚卷第三十五

人部十九 妬 淫 愁 泣 貧 奴 婢 傭保

左傳曰叔向之母妬叔虎之母美而不使見叔向諫其母曰深山大澤實生龍蛇彼美余懼而生龍蛇以禍汝我何愛焉使往侍寢生叔虎 毛詩序曰夫人無妬忌之行惠及賤妾進御於君知其命有貴賤能盡其心矣又曰不妬忌則子孫衆多矣 山海經曰秦室山有木葉如黎而赤理其名曰指木服之不妬 文子曰爵高者人妬之官大者王惡之祿厚者怨處之 漢書曰武帝陳皇后為妬別在長門宮司馬相如作賦皇后復親幸 又曰陳后寵衰妬甚令巫祭祀以迴上意 又曰呂氏妬戚夫人髡紺楮衣餓春又斷手足去自重身飲瘖藥名曰人豕 又曰廣川工去嘗有疾陽城昭信侍疾甚謹去愛之立為后又有幸姬望鄉為修嬪夫人主縉帛昭信譖望鄉曰與我無禮衣服常鮮我又傅粉數南戶窺郎吏疑有姦去曰伺之益不愛望鄉昭信知去怒誣言望鄉歷指郎吏臥處具知其